

2. *Tiervuodah tuoddârist!*

.... *STUORRÁ já uccâ ääših* ...

Tiervuodah tääbbin tuoddârist!

Ko mun kuárjum tuodâr oolâ, te masa šiedâlum,
ko koolgâm jotteeđ pajaskulij.

Ko mun puáđám vuálus tuoddârist,
te koolgâm keččâđ tárkká, ete kuus lavkkiim,
et jiem fáškáástâl já šnukármist.

Tuoddâreh láá olláguboh ko luáháh já väärih.

Tuoddâreh láá nuuvt olluuh,
ete toi čohe alne iä lah muorah.

Muorah tarbâšeh piegâttes šoddâmsajeh ađai šoddâmsajeh,
moh láá syejeest já lieggâseh.

Tuoddârist šaddeh tuše vyeligâs tonjâseh tego vuoráččâsmyerjih.

Tuoddâreh láá kiäđgááh

já toi vieltijn já keeđgij alne šaddeh sierâlagáneh jáháleh.

Tuoddârist aasâm meid mun.

Muu nommâ lii Elska-kufittâr,
já ko mun aasâm Ukselmauáiváš-tuoddârist,
te lam Ukselmauáiváá Elska.

Ukselmauáiváš lii tääbbin Urho Kekkosi aalmuglâšmeecist.

Amahân tun tiäđáh, ete mii aalmuglâšmeeci lii?

Aalmuglâšmeecist suojâleh luándu.

Aalmuglâšmeeci lii taggaar saje,
kost luándu uázžu leđe taggaar ko tot lii,
ige tom uážu mutteđ.

Elleid aalmuglâšmeeci lii šiev saje aassâđ.

Aalmuglâšmeecist puáhtá pyereest vandârdiđ,
vázzalahčâđ tai veikâ čuoigâđ.

Aalmuglâšmeecist ij uážu roskiđ,
...veikâ ij kosten eres saajeestkin uážu roskiđ.

Mun lam viehâ styeres...

...tai ucce...

...heh...tot lii aabâs kiddâ tast, ete kuus verdid.

Ko mun čuázžum soorvâ paaldâst, te muu mielâst oro, ete lam aabâs siemin.

Ko muái láán kudhâin paldluvâi,

te muu mielâst oro, ete lam penttâ jietânâs!

Puájuimiestuun muái láán viehâ siämmáá stuárusiuh.

Miinii must lii styeres,

ko mun verdidâm jieččân ovdâmerkkân ulmuid;

must láá stuorrâ peeljih.



Stuorrâ peljiiguin mun kuulâm tuođai pyereest puoh tehálijd aášijd,
mun kuulâm tuoddârij já vuovdij uccâ já stuorrâ aášijd.
Já muu peeljiijn lii miinii imâšlâš.
Nomâlássân, jis lii korrâ larmâ,
veikâba auto tâi monni moottor huurrân,
te muu peeljih snorâneh aabâs uccen.
Tondiet mun jođâm-uv ain siijvost tuoddârijn já vuovdijn.
Luándust kannat mudoi-uv jotteeđ siijvost.
Talle kulá puohlágán jjáráskittee aášijd;
mielâkiddiivâš vyevedi uđđâsijd já tuođai tehálijd saavâid.

Mun lam te Urho Kekkosii aalmuglâšmeeci kufittâr,
Ukselmauáiváá Elsa,
kiän vuohtah láá váhá tuággááh
já toid tarvaneh älkkeht jáháleh, muorâi loostah já kuácceeh.
Muu seibi lii ruánzáá já muu njälmi moijáá távjá.

Elska

*Kufittâr stuorrâ já uccâ jurduid čaalij pápârân Kristiina Aikio.
Jurgálus Tanja Kyrö.*



Pargopittä: stuárráh já uceh

1. Moonâ šiiljon já verdid jieijâd eres luándupittäid. Muštâl skipárân, ete lah-uv styeres vái ucce?
Ko mun čuážžum paaccâh/ kuáccee/ peesi paaldâst, te muu mielâst oro, ete mun lam ucce / styeres / siämmáá stuárusâš.
2. Leehâst peeljiid styeresin, moskood čoolmijd já kuldâl luándu jienâid. Muštâl tâi sáargu, ete maid kuulah?
3. Sáargu kove ollâ, kiäđgáá Ukselmauáiváá tuoddârist, mon čöhe alne Elsa-kufittâr tarkkuustâl luándu tábáhtusâid.

